

3-153

國民革命軍戰史初稿 第一輯

國民革命軍戰史初稿第一輯

卷二 民國十六七年統一南北諸戰役

第一篇 十六年諸戰役

第一章 清黨

一 中國國民黨容共之經過

民國十三年本黨改組時中國共產黨之組織雖已形成然其勢力尙極薄弱 總理恐其自由發展逾越範圍轉碍本黨工作而阻國民革命之進程復因時勢及國際環境之所趨欲聯俄以助外交遂毅然容共使共產黨員以個人資格加入中國國民黨服從本黨之主義及紀律從事國民革命於是李大釗譚平山輩乘機加入領導其黨徒於本黨旂幟之下積極活動

共產黨之陰謀與事實

迨共產黨加入本黨後即背棄服從本黨主義及紀律之誓言組織黨團操縱黨務漸次喧賓奪主暴露其爭取革命領導權之野心歷時兩載至十五年益無忌憚其破壞本黨之手段則爲曲解主義以動搖同志之信仰盤據各級黨部以破壞本黨之組織欺騙民衆煽動階級鬥爭以破壞國民革命之基礎更藉客卿俄顧問鮑羅廷之力操縱黨政大權斯時本黨幾於無形中爲共產黨徒所挾持

共產黨徒於運用黨團侵蝕本黨外更盡力排斥本黨軍事領袖阻撓黨軍勢力之發展蓋自十三年後共產黨潛伏於本黨中之勢力雖漸滋漲然因本黨同志防範備至該黨在廣東一省猶不克盡行壟斷黨務劫持民衆以造成堅固不拔之基礎至於軍事方面更形力薄故當陳炯明鄧本殷楊希閔劉震寰輩之反革命勢力次第肅清全粵統一正圖進行北伐軍事之際共產黨因毛羽未豐乃藉口時機未至竭力反對並公然嗾使中山艦襲擊黃浦欲以武力實行政變謀推翻本黨軍事領袖而消滅本黨之武力迨至十五年三月二十日事機敗露後復鼓動罷工以牽製本黨其意蓋恐本黨軍事進展北伐成功則政權穩定於彼無利故不惜阻礙國民革命之進行以廣東一隅爲與本黨短兵決勝之地

湘鄂籍之赤禍

中山艦事變發生後共產黨稍受懲創其時本黨因中原板蕩國事日非遂毅然北伐共產黨於此不得不變更策略另謀出路乃挾其黨徒隨國民革命軍以俱進我軍每克一地共產黨即起而操縱黨部挾持民衆以深植其下層勢力迨兩湖底定後蔣總司令進駐南昌規劃長江下游軍事無暇西顧於是共產黨操縱本黨中央之一部分脅以發號司令其於本黨軍隊則挑動其將領之野心力使分化於民衆則藉口階級鬥爭利用工農痞徒脅迫善良恣意殘殺以謀推翻全部社會之基礎恐怖現象見於各地其禍幾至不可收拾

二 甯漢分裂與清黨

自南昌克復本黨北伐第二期軍事計劃告一段落時原有建都武漢之議第因武漢方面共產

黨勢力瀕蔓恐爲挾持遂由中央常務會議及政治會議議決中央黨部及國民政府均暫駐南昌共產黨大譁喉使徐謙鄧演達等反對此大決議力主遷都武漢否則將另立中央以相抗中央幹部之在南昌者恐起分裂予敵人以可乘之機爲顧全大局計乃召集第二屆中央第三次全體會議於武昌且共赴之遂定武漢爲首都在武漢之中央委員除甘心爲共產黨利用者外餘亦受其挾持幾無自由主張之餘地而俄顧問鮑羅廷發縱指示威權尤高於一切凡本黨忠實同志及革命將士之有持本黨言論者即遭捕殺設立軍事委員會取消國民革命軍總司令以實現其分化本黨武力之陰謀國民革命軍之進展受此重大打擊苟不另圖挽救革命事業其不中斷者幾希

建都南京
實行清黨

十五年十二月何應欽已裁定福建至是進規浙江二月二十三日入杭州三月二十二日下上海而安徽已於三月四日易幟蔣總司令遂親督江右軍及中路軍攻南京三月二十三日克復南京蔣總司令遂於二十六日抵上海坐鎮乃在武漢召集之二屆三中全會於三月十二日開會以後迭次會議均受共產黨挾制實行分割本黨武力該黨復在長江一帶鼓動工潮以武漢上海爲最烈復謀擾亂上海租界秩序並煽使軍隊造成所謂奪案與外人以危險俾引起嚴重外交挫折國民革命之進行本黨於此若不亟謀清共且無以自存遑論北伐軍事進行勢將中斷四月九日中央監察委員吳敬恆等在滬召集緊急會議列舉共產黨謀叛證據通電護救黨國十八日在總理指定之首都南京成立國民政府由中央政治會議決議清黨

對於各地共黨首要爲緊急之處置並組織清黨委員會負其全責於是共產黨除湘鄂外在長江下游兩廣各地不能公開肆虐毒骸稍息

寧漢兩方軍隊之北伐

國府建都南京以後武漢方面本黨同志在共產黨包圍威脅之下仍維持其武漢中央造成寧漢之分裂此時軍事行動寧方則繼續北伐於五月十六進佔徐州並電令馮玉祥閻錫山兩軍同時出動以相策應漢方亦由唐生智張發奎率軍由京漢路北上會馮軍亦由陝入豫遂於六月一日克復鄭州兩方目的地均先後達到北伐軍事復告一段落

湘鄂清共與武漢分共

其時武漢政府雖爲共產黨所劫持然軍隊多不滿於該黨徒之橫暴於是夏斗寅師於五月十七日乘虛進攻武漢爲葉挺所敗二十一日何鍵部團長許克祥清共於長沙使武漢政府亦感覺容共之非盡得計其時汪精衛已返武漢主持大計共產黨仍盡其嚇使本黨軍隊自相殘殺之能事誘迫武漢軍隊移師東下以略取南京乃此時武漢忽以分共聞蓋武漢同志不堪共產黨之壓迫而顛覆本黨及武漢政府之陰謀復貽武漢同志以不安六月二十一日蔣總司令在徐州召集之徐州會議復鄭重聲明苟武漢政府能驅鮑清共則本黨同志均可合作遂于七月十五日通過制裁共產黨之決議案鮑羅廷亦被辭退倉皇歸國二十日發表分共宣言於是武漢清共乃成事實八月一日共產黨徒賀龍葉挺公然宣言組織革命行動委員會旋因葉賀敗退該會亦無形解散葉賀復率部二萬餘人由閩邊竄粵不久爲粵軍消滅先是因清黨容共主張之不同形成寧漢對峙之局迨寧漢清共後先一致則本黨分裂之局亦

當重歸完整蔣總司令因實踐其徐州會議之主張毅然下野以促成團結而吳稚暉胡漢民蔡元培李石曾張靜江諸中委亦聯翩辭職譚延闓等東下聯合一部分同志重行組織中央清黨運動於是告終

第二章 第一次渡江北伐諸戰役

一 渡江北伐前兩軍之形勢

國民政府定鼎南京之際正共產份子陰謀暴露之時各省共黨蠢蠢欲動江浙兩省尤岌岌可危政府爲掃除北伐障礙廓清肘腋禍機乃決先行清黨如前章所述而此時已經敗退江北之孫傳芳張宗昌等部以爲寧漢分裂共黨陰謀煽動首都根基未固大有可乘之機遂即分路南犯四月上旬孫傳芳率鄭俊彥段承澤宋福田諸部襲擊揚州我十七軍曹萬順部倉卒之間受創甚巨退守鎮江敵人李寶章白寶山則進占南通靖江如皋一帶同時張宗昌率王棟許琨程國瑞諸部及白俄軍隊進犯滁州我守備隊王金韜部寡不敵衆退守合肥張宗昌以數倍兵力乘勢圍攻合肥一面分兵襲取壽縣六安三河尖等地其計劃在佔領安慶渡江進攻南京賴我獨立第五師師長馬祥斌先遣支隊長王金韜合力死守合肥逾月我江左軍乃得集中安慶蕪湖挫折敵謀時張宗昌既克滁縣即令白俄兵銑甲車直薄浦口與我首都獅子山幕府山砲台隔江互相砲擊沿江上下槍聲不絕敵艦出沒吳淞口外江北方面自和縣以東不下千里均爲敵氛籠罩情勢嚴重影響及於首都我軍乃於大江南岸配備重兵扼要防守茲將我陸海軍守

備長江情形列記如左

(一)陸軍

上海吳淞一帶

第二十六軍

常熟

獨立第二師

江陰

十四軍第一師

鎮江高資

十七軍

下關龍潭

第四十二五十八兩獨立團

南京

第一軍之第一第三第十四各師及第四十軍

南京采石間

第三十七軍

當塗蕪湖間

第七軍

(二)海軍分四區警戒江面

吳淞江陰間

海容 海籌 應瑞

江陰鎮江間

楚有 通濟

鎮江浦口間

楚同 聯鯨

先是我軍規復南京之作戰計劃本令江左軍李宗仁進取安慶與江右軍程潛部攻略南京同時襲取蚌埠斷敵歸路以期一舉而克淮南鞏固新都不幸寧漢分裂唐生智鄧演達等盤據漢廠靳不予械彈江左遲滯之師至四月初旬李總指揮(宗仁)始克率領第七第十第十五各軍

離鄂東下當命第七第十五兩軍集結蕪湖第十軍集結安慶第四十四軍（即新編第五軍）及第二十七軍駐大通秋浦第三十三軍駐六安整頓待命時六安雖失守一次而合肥始終堅守爲安慶屏障敵不得已乃移置主力於巢縣柘臯間冀斷我蕪湖合肥通路我江左軍乃派一部駐無爲監視之此渡江北伐前之形勢也

二 北伐前作戰計劃

南京總司令部始以江左軍未到安慶繼以辦理清黨渡江北伐之師因之稍爲稽延及四月下旬新都政治黨務俱已就緒乃於五月一日決定第三期北伐作戰方案茲記其大要如次

第一（總方略）北伐軍以肅清津浦路南段及江北敵人之目的決以主力由皖北攻蕪津浦路而以一部集結於南京以東之長江南岸乘機渡江攻擊江北之敵人蓋第二第三兩路乃成爲右翼迴作戰以浦口爲旋回軸活動於津浦路西側地區包圍敵人右翼者也第一路則俟二三路成功後長驅渡江北進

第二（戰鬥序列集中及攻擊目標）如左列總師會之命令

此後北伐作戰方略擬先擊破津浦路南段及江北之敵決定以軍主力出皖北攻蕪津浦路而以一部集結於南京以東揚子江南岸乘機渡江攻擊江北之敵人因之決定如下（一）戰鬥序列第一路總指揮何應欽第一軍第六軍第十四軍第十七軍第二路總指揮總司令自兼前敵總指揮陳元第三十七軍第四十軍第三路總指揮李宗仁第七軍第十五軍第十軍第三十三軍第四十四軍第二十七軍獨立第五師（二）集中地點及攻擊目標第一路各軍集中滬甯路一帶向揚州靖江通州攻擊第二路第三十七軍集中和州第四十軍集中南京向滁州攻擊第三路第七軍第十五軍集中安慶爲總預備隊第四十四軍集中巢縣向明光第十軍集中合肥向蚌埠臨淮第三十三軍獨立第五師集

中合肥向蚌埠第二十七軍集中六安向蒙城宿州攻擊(三)以上均限於五月八日集中完畢十日開始攻擊(四)各路軍之渡江準備及驅逐集中地區之敵人併掩護集中由各路軍自行處置

第三(戰鬥部署要旨)(一)第一路軍除第一第三兩師由本總司令直轄外其餘各部在我第二第三兩路軍未攻擊津浦路以前在長江南岸取攻勢防禦集結兵力於鎮江常州無錫蘇州上海各地一俟皖北各軍佔領津浦路時乘機渡江攻擊江北之敵人(二)第二路軍以一部位置於南京附近待命渡江以主力於五月十一日以前由江甯鎮當塗間渡江連繫第三路軍右翼向明光(不含)以南津浦鐵路之敵前進攻擊(三)第三路軍應以第七軍第四十四軍第十五軍於五月十一日以前集中巢縣含山柘皋附近第十軍第三十三軍(缺一部)第二十七軍及獨立第五師應於五月十一日以前集中於合肥附近連繫向明光蚌埠間津浦路上之敵攻擊當部署巢湖以東各軍攻擊時務須以主力側重於臨淮關蚌埠方面又第三十三軍之一部應於五月十一日前集中於六安附近經由壽州鳳台向蒙城方面挺進相機威脅固鎮蚌埠之敵人(四)海軍務於五月八日以後繼續集結主力於鎮江以東江面相機伴攻江北之敵以一部集中南京以西至和縣之間掩護攻擊各部隊之渡江併任江上之連絡(五)作戰地境在第一第二間烏龍山……划子口之綫綫上屬第一路軍第二第三路間含山……藕塘……明光之綫綫上屬第三路軍(六)鐵甲車應準備兩列過江使用於津浦路方面

第四(交通通信)電信隊務於五月十四日以前架設由蕪湖至巢縣之電信併準備延長此綫於定遠鳳陽由安慶至合肥務設法加掛第二綫又滬寧滬杭鐵道應準備四列車之輪轉材料(機車六個客貨車一百二十輛)隨時可以過江並於下關預設渡江準備凡各軍需用過江船舶由各軍自行徵集又爲使蕪湖通合肥巢縣各綫後方勤務靈活起見蕪湖兵站務集結多數小輪及拖駁

第五(兵站部署)兵站事項由兵站總監部另定

方案既定遂於五月五日發布作戰命令限各作戰軍於十一日以前分道並舉天日旌麾獵獵晴空火茶軍容駁駁北指矣

三 第二路軍克復全椒滁州

依戰鬥序列第二路總指揮本由總司令兼任而總司令爲統籌全局不得不坐鎮中樞以便控制一切乃派總參謀長白崇禧代赴前線執行總指揮事宜白總指揮受任之初卽遵照總方案主旨更定本路作戰計劃依次實施其作戰計劃大要係使左翼先行渡江逐次而及右翼乃實施右旋回作戰以浦口爲軸者故其軍隊區分分爲三個縱隊使左翼縱隊連繫第三路右翼含山附近第四十四軍首先渡江其次使中央縱隊渡江最後使右翼縱隊渡江卽由南京以西地區分三地渡江沿津浦路西側地區北進協同第三路軍截攻津浦路南段之敵以達成其任務者也

第二路軍
作戰計畫

本路軍擬以一部位置於南京附近準備待機渡江以主力由江寧鎮至當塗間渡

江先佔領含山東北高地至和縣東北烏江鎮之線其后連繫第三路軍之右翼向明光以南沙河集滁縣附近之敵攻擊前進截斷津浦路使該敵不能北退聚而殲滅之俟我主力進至全椒江浦附近時在南京之一部卽乘機渡江沿津浦路北進牽制當面之敵使我主力側擊敵人容易俟本路軍確實佔領津浦明光以南之地區後視當時之情況如何其計劃另定之

第二路軍軍隊區分列如左

第二路軍總指揮蔣總司令白兼（白總指揮崇禧代理）

前敵總指揮陳調元

第一縱隊

指揮官賀耀組

第四十軍

第二縱隊

指揮官楊杰

第六軍（缺第十九師）

第一軍之第一、三兩師

第三縱隊

指揮官陳調元

第三十七軍

戰鬥經過情形

五月十一日我前敵總指揮陳調元指揮所部（第三縱隊）自東西梁山乘濬蜀軍艦渡江先派一小部於天明以前驅逐西梁山之敵嗣即大部渡江未受若何抵抗向和縣之敵壓迫前進其先頭岳師主力當日即攻克陶家廠張公橋佔領渡江點會合四十四軍進攻含山同時丁師主力驅逐三飯橋一帶之敵進至和縣南方之鳳凰橋桃花橋之線次日攻破和縣城外

之敵遂克和縣我第三縱隊既克和縣即以主力與葉軍協攻含山同時以一部向烏江鎮推進掩護第二縱隊渡江十三日我第二縱隊指揮官楊杰率全部自烏江鎮渡江沿江北進十四日進至江浦而浦口之敵因不堪我二三縱隊之側擊當夜北退時第一縱隊指揮官賀耀組亦據探報云浦口小河南九袱洲僅餘少數敵兵江浦之新河口雖有白俄兵及直魯殘軍約一營然槍械僅有四成子彈亦不充足上游大勝關對岸之西江口及下游草鞋峽對岸等處亦祇有少數敵軍等語賀指揮官據報知渡江時機已熟決心于十五日全部開始渡江自下關渡至江浦軍行無阻

當我第三縱隊克和縣敵杜鳳舉許琨等部紛紛退走全椒憑全椒城南郊及其東方界首一帶山地佔領防禦陣地企圖抵抗我第三縱隊據報即于十六日自全椒西面進攻同日縱隊指揮官楊杰率領第二縱隊自全椒東南面進攻薄暮時驅逐陳家淺三叉河一帶之敵次晨與第三縱隊右翼連擊進攻全椒東方界首一帶敵陣地時第三縱隊之岳師自赤鎮向全椒前進攻擊其第三團於午后四時將武家岡頑強抵抗之敵擊破退入全椒城內同時岳師第一第二兩團亦擊退中興集之敵遂佔領武家岡中興集陣地隨即跟進至東嶽廟距椒城僅十里丁師亦於是晨由陳家市向全椒推進午后四時佔領打鐵岡與岳師取得連絡而安師之一團於十六日午后擊破敵軍增援部隊於華覆庵敵遂不支退守椒城其第七團則佔領柴家岡大馬廠之線安師旋奉陳指揮官命令盡力向全椒方面進攻即於是日下午五時克復全椒是時柴岡大馬

廠敗退之敵悉竄入於東王集周家岡一帶爲數尙多第三縱隊卽于十八日繼續向該方面進攻敵人不支紛向烏衣滁縣逃竄狼狽不堪是役我軍俘敵三千餘人獲槍二千餘支迫擊砲二十餘門輜重無算斃敵將張繼善我軍第一軍第三師九團團長蕭炳煌陣亡

第一縱隊全部渡江後原擬擔任攻擊浦鎮浦口城花旗營高巖店一帶之敵並向六合方面嚴密警戒故主力側重浦口城大項山一帶嗣因探悉敵方計畫有以少數兵力牽制鐵路東端浦鎮花旗營一帶另以主力反攻第二縱隊模樣乃變更方略抽出花旗營浦口間兵力四團令毛師長炳文率攻東葛西葛及烏衣之敵而以一部位於浦鎮附近監視六合方面之孫傳芳部隊是時六合之敵已陸續向儀徵撤退而我第二縱隊之第十七師五十團在湯泉鎮附近爲敵包圍幾遭不測賀指揮官得報乃急派陶副師長峙岳率四五兩團及山砲一部向湯泉鎮增援並相機進攻烏衣同時以烏衣之敵有急速摧破之必要遂令毛炳文率第三師（缺第七團）第一師（缺第九團）第四團及附屬各部速向小店鎮湯泉鎮前進卽日協同第二縱隊攻擊東葛西葛及烏衣之敵以一部警戒劉家凹丁字橋至高麗店張家莊一帶復令野砲兵在大項山佔領陣地向敵鐵甲車隊攻擊是日攻東葛西葛克之時第二縱隊指揮官楊杰率第一第六兩軍在全椒之界首附近迭次破敵鄧師長振銓則俘敵旅長一人擊斃敵旅長一人遂進至雙蓮庵腰舖之線十八日拂曉由雙蓮庵腰舖向滁縣追擊前進第三縱隊亦由全椒西方地區乘勝會攻以一部向三界站挺進截擊十八日酉刻第二縱隊攻克滁縣一三兩師相繼入城以第十七

師爲追擊隊向沙河集方面追擊並破壞滁縣北鐵道向烏衣蚌埠警戒是時烏衣之敵已被第一縱隊擊潰向滁縣退却中總司令部據報卽令第二縱隊迅速派隊夾擊毋任竄逸是役也我第二路各縱隊每戰必克敵人望風崩潰我軍洵有摧枯拉朽之勢十九日津浦南段之烏衣沙河集張八嶺諸要隘亦均相繼克復明光以南殆無敵踪矣

四 第一路軍克復儀徵揚州

大江前敵
我之情況

四月中旬孫傳芳既陳兵大江北岸乃與張宗昌劃地而守自六合下游歸孫以上歸張時孫懾於我長江海軍之勢力不得偷渡南岸乃修葺江北都天廟砲台備砲與我江面海軍及焦山砲兵鑾戰翼掩護其部隊渡江奪我焦山象山要塞我第十七軍長曹萬順偵知其計立調第十五師警戒甘露寺象山焦山迄丹徒鎮沿江一帶並於焦山砲台架配砲位象山砲台亦配置第三十七軍之野砲協力防守敵渡江襲我之計不得逞乃成隔江對峙狀態以迄於我軍渡江是時敵人鄭俊彥宋福田崔景桂段承澤等部合計不下五萬餘人壓迫我揚州之十七軍部隊退守江南後卽于四月十日佔領揚州孫傳芳遂區分所部令段承澤防守十二圩瓜州儀徵迄施家橋沿江一帶宋福田之十五師駐刁家坪西馬營口岸三江營等處鄭俊彥部第十三旅二千人駐仙女廟荷花池大橋一帶其第十四旅駐五台山崔景桂之第八師移向北方運河上游因敵聞白寶山向我輸誠通州有不穩之勢故須一面向東防堵一面準備渡江兵力益感不足也時我軍在江南沿岸警戒部隊及地域約如下述

丹徒鎮以西至甘露寺

暫編十五師第六軍第十七師

甘露寺以西至橋頭鎮

第十七軍之一二兩師

大東莊以西

第一軍之五十八團

江面海軍

楚有 通濟 聯鯨三艦

五月一日敵於瓜州及都天廟兩處向我金山寺甘露寺一帶開砲射擊江面發現小汽船多艘滿載敵兵強渡賴我十七軍沿江警戒部隊沉着射擊激戰達四小時江面敵之小汽船經我砲兵擊沉多艘敵乃退回是時敵艦海圻永翔復有自青島南下攻擊吳淞口之耗此次敵艦南來確有連絡江北孫部襲奪吳淞口獅子林砲台之企圖我軍第一路總指揮何應欽乃檄調第一師移駐南翔協同第二十六軍防守吳淞是日又接第十四軍軍長賴世璜報告四月二十八日如皋泰州到有靖江開來之敵步騎砲三種兵二千餘人沿江各口岸均有工事設備同時第十七軍捕獲敵探亦訊得敵情如次

(一)敵備民船一二千艘及小輪多艘準備相繼渡江(二)六合儀徵瓜州爲敵第二師第八師師部在儀徵(三)瓜州至高橋爲十四旅楊化昭部高橋至泰興爲十三師劉士林部均歸鄭俊彥指揮(四)泰興至靖江爲馮紹閱白寶山部歸白指揮(五)張黃港至南通爲馬葆珩李寶章部歸周蔭人指揮(六)王樂善上官雲相在揚州由揚至瓜駐第六混成旅十二圩駐第十師之第十九團都天廟駐第四十團(七)都天廟砲台已修復並附車砲數尊

五月九日總部根據諜查員報告如次

(一)揚州附近敵哨密佈(二)由鈔關至東關停有多數民船均備載敵兵渡江(三)由揚州至瓜州有小輪二十五艘煤船四艘載煤百餘噸(四)聞英國暗助孫餉

綜合以上敵情敵人在長江下游謀我甚亟既不得志於象山焦山乃移主力於儀徵揚州方面百計企圖渡江反攻我軍而我海陸將士晝夜巡防敵計終不得售此乃第一路軍渡江前之情況也

軍隊區分及戰鬥經過

東路軍總指揮何應欽本駐鎮江指揮沿江守備軍隊自奉到第三期北伐作戰總方略後即重定軍隊區分改東路軍爲第一路軍今述其軍隊區分如下

第一路軍軍隊區分

總指揮 何應欽

後方守備軍

第二十六軍

第二十二師

特務團

浙江省防第二團

憲兵營

砲兵第二營

第一縱隊 指揮官曹萬順

國民革命軍戰史初稿 卷三

第十七軍

第二縱隊 指揮官賴世瑛

第十四軍

第十三縱隊 指揮官劉峙

第一師 先遣隊

獨立第十二師

獨立第十旅

第四縱隊 指揮官何應欽兼

第十四師

第十九師

第二十一師

鐵甲車

以上一二三四各縱隊乃準備渡江攻擊敵人者其後方守備軍則用以守備上海及京滬鐵路第二路軍渡江與敵接觸後我第一路軍急欲渡江而下游江面較寬渡過不易其能渡江出擊部隊除警戒部隊外僅第十四及第二十一兩師收効匪易何總指揮乃電陳總司令部俟第二路軍第二縱隊進至烏衣附近即會同該路第三縱隊合力攻取六合進薄儀徵揚州威脅瓜揚敵人之右側背以便第一路抽調兵力乘時由瓜州渡江進攻揚州但其時滁縣未下大敵當前